

Amwiimbe Lwiimbo Lwaamba Zyabusicamba

Amubale Intembauzyo 27:6. Davida wakali kuziyanda nyimbo, alimwi kanji-kanji wakali kwiimba kutembaula Jehova. Bunji bwanyimbo eezyo zyakamugwasya kuba sicamba. Kwiimba kulakonzya kumugwasya kuba basicamba andinywe!

Amubale majwi aalwiimbo lwakuti “Kotupa Busicamba.” Ino ntwambo nzi twaambwa mulwiimbo oolu itweelede kutupa kuba basicamba? Amusole kulupeta lwiimbo, mpoonya amusole kulwiimba antoomwe amukwasyi wanu.

AMUPETE



LWIIMBO 137

Kotupa Busicamba

(Milimo 4:29)

1. Notukambauka Bwami,
Notwaamba zina lyako,
Kuli banji batukazya
Akutusampaula.
Swe tatuyoowi bantu,
Pele nduwe ngotumvwida.
Lino twalomba muuya wako;
O Jehova, twakukomba.

(KWIINDULUKA)

Ciindi notukambauka;
Tuyumye, tutayoowi.
Swe kotupa busicamba
Boonse bamvwe munyika.
Amagedoni yaswena,
Pele noitanasika,
Swe kotupa busicamba.
Twapaila.

2. Nokuba kuti twayoowa,
Ulizyi mbotubede.
Swe tulakusyoma kuti
Unootugwasya lyoonse.
Komvwa mbobatukonga
Ibapenzya akukazya.
Tugwasye kuba basicamba
Notwaamba muzina lyako.

(KWIINDULUKA)